

आकाशवाणी

खबरां विजय बजाज कोला

1. राष्ट्रपति द्रौपदी मुर्मु अज्जै थमां गुजरात दे त्र'उं दिनें दे दौरे पर रौहडन। ओह कल केवड़िया दे एकता नगर च 72में राष्ट्री फिल्म पुरस्कार समारोह दी अध्यक्षता करडन।
2. बदेश मंत्री डॉक्टर एस. जयशंकर न्यूयॉर्क च संयुक्त राष्ट्र महासभा दे 21में इजलास दे दरान उच्च स्तरी बैठक लेई भारती डेलीगेशन दी अगुवाई करडन।
3. अमरीका दे राष्ट्रपति डॉनल्ड ट्रम्प होरें आखेआ ऐ जे ओह ईरान दे कन्नै जंग गी लेइयै फैसला करने दी स्थिति च न ते चेतावनी दिती ऐ जे तौले गै बड़्डी घटनां घटी सकदिआं न।
4. अमरीका ने सऊदी अरब च अमरीकी नागरिकें गी सौहगे-सतर्क रौहने ते सुरक्षा सरबन्धी निर्देशें दी पालमा करने गी आखेआ ऐ।
5. मौसम विभाग ने अज्ज छत्तीसगढ़, आंध्र प्रदेश दे समुंदरी कंडूहे आहले इलाकें, तेलंगाना, तमिलनाडु, पुडुचेरी, कर्नाटक ते मध्य महाराष्ट्र च तेज बरखा दा अनुमान जताया ऐ।

6. उज्बेकिस्तान दे समरकंद च आयोजित 46में शतरंज ओलंपियाड दे 5में दौर च भारती मर्दे दी शतरंज टीम ने नीदरलैंड पर 3-1 कन्नै शानदार जित दर्ज कीती, जिसलै के भारती महिला टीम गी पोलैंड थमां हार दा सामना करना पेआ।

<><><><><><>

Prez. Guj. Visit

राष्ट्रपति द्रौपदी मुर्मू अज्ज थमां गुजरात दे 3 दिनें दे दौरे पर रौहडन। कल ओह् केवड़िया दे एकता नगर च 72में राश्ट्री फिल्म पुरस्कार समारोह दी अध्यक्षता करडन। बुधवारें श्रीमति मुर्मू होर बडोदरा च महाराजा सायाजीराव युनिवर्सिटी दे 75में दीक्षांत समारोह च हिस्सा लैडन। ओह् बडोदरा च वैश्विक नवीनीकरण लेई ब्रह्मकुमारी दे आध्यात्मिक जागरण अभियान ते ग्लोबल स्पिरिचुअल पैलेस रिट्रीट सेंटर दा बी उद्घाटन करडन। इस मौके राष्ट्रपति होर वर्चुअल ढंग्गै कन्नै ब्रह्मकुमारी नाडियाड दे युवाएं लेई अभियान: विकसित भारत च राश्ट्र निर्माण लेई आंतरिक शक्ति गी जागृत करने दी शुरूआत बी करडन।

<><><><><><>

बदेश मंत्री डॉक्टर एस. जयशंकर न्यूयॉर्क च संयुक्त राष्ट्र महासभा दे 21में इजलास दे दरान उच्च स्तरी बैठक लेई भारती डेलीगेशन दी अगुवाई करडन। बदेश मंत्री इस महीने दी 26 तरीक गी संयुक्त राष्ट्र महासभा गी संबोधित बी करडन। जातरा दे दरान ओह् बकख-बकख बहुपकखी ते दपकखी बैठकें च बी हिस्सा लैडन। तोआई दुनिया दे अक्वल दर्जे दे नेता, संयुक्त राष्ट्र सदर दफ्तर च 22 थमां 28 सितंबर तगर होने आहली सलाना उच्च स्तरी बैठक लेई पुज्जा करदे न। संयुक्त राष्ट्र महासभा दे 81में इजलास दी प्रधानता इस ब'रे "विश्वास बहाल करना, बदलाव दा प्रबंधन करना: ऐसी संयुक्त राष्ट्र बवस्था जेहड़ी सबनें लेई कम्म करै" विशे दे तैहत होआ करदी ऐ। महासभा च संयुक्त राष्ट्र दे सबनें 193 सदस्य देशें दे राष्ट्रपति, प्रधानमंत्री ते वरिष्ठ प्रतिनिधि हिस्सा लडन। ओह् प्रमुख अंतरराष्ट्री मुद्दें पर अपने देशें दिएं प्राथमिकताएं ते रौंस गी सामने रक्खडन। संयुक्त राष्ट्र महासचिव एंतोनियो गुतेरेश होरें विश्व नेताएं गी अंतरराष्ट्री सहयोग मजबूत करने दा आह्वान कीता ऐ। उ'नें इक वीडियो स्नेह च आखेआ ऐ जे रमानदारी, गरिमा, न्यास ते मनुक्खता लेई सबनें गी इकजुट होना चाहिदा ते बेहतर दुनिया दे निर्माण लेई अंतरराष्ट्री सहयोग जरूरी ऐ। गुतेरेश इस ब'रे महासचिव दे तौर पर संयुक्त राष्ट्र महासभा दे अपने अखीरले इजलास च हिस्सा लै करदे न। उं'दा कार्यकाल इस ब'रे दे अखीरै च खत्म होने गी जा'रदा ऐ।

अमरीका दे राष्ट्रपति डॉनल्ड ट्रम्प होरें आखेआ ऐ जे ओह ईरान दे कन्नै जंग गी लेइयै फैसला करने दी स्थिति च न ते चेतावनी दिती ऐ जे तौले गै बड़ी घटनां घटी सकदिआं न। एह बयान नेह् समें पर आया ऐ जिसलै ईरान ने आखेआ ऐ जे उन्नै बिचैलिऐ दे राहें अमरीका दे कन्नै होर्मुज जलडमरूमध्य गी परतियै खोलने लेई अपनी शर्तां सांझी कीतीआं न। ट्रम्प हुंदी एह टिप्पणी ईरान दे राष्ट्रपति मसूद पेजेशकियान हुंदी संयुक्त राष्ट्र महासभा च हिस्सा लैने लेई न्यूयॉर्क दी संभावित जातरा थमां पैहले आई ऐ। ट्रम्प होरें इक टीवी चैनल गी आखेआ कि जेगर ईरानी शासन अपने रौंस च बदलाव नेई करदा तां नेइमे भविष्य च बड़ी बड़ी घटनां घटी सकदिआं न। दस्सेआ गेआ ऐ जे उन्नै जंग गी लेइयै त्रै संभावित विकल्पें पर चर्चा कीती ऐ, जिंदे च ईरान गी पूरी चाल्ली तबाह करना, ओहदी अर्थबवस्था गी कमजोर होन देना जां फही समझौता करना। ईरान ने जंग खत्म करने दे मकसद कन्नै परतियै गल्लबात शुरू करने लेई अमरीका गी अपनियां 7 शर्तां भेजिआं न। खिते च जारी होरनें संघर्ष दे बारें च ट्रंप होरें आखेआ जे वॉशिंगटन यमन दे हौसी विद्रोहिये दे संपर्क च ऐ। हाल च हौसी समूह ने सऊदी अरब गी नशाना बनाइयै बैलिस्टिक मिसाइल हमले कीते हे। ट्रंप होरें आखेआ जे हौसी समूह अमरीका कर्मिये पर हमला नेई करने पर सैहमत होआ ऐ।

US-Saudi Arabia

अमरीका ने साउदी अरब च सुरक्षा अलर्ट जारी कीता ऐ। एहदे तैहत साउदी अरब च कम्म करा'रदे अमरीकी मुलाजमें गी लाइफ ते यानबू शैहरें च जाने लेई खास इजाजत हासल करनी लोड़चदी ऐ। मौजूदा सुरक्षा हालात गी दिखदे होई एह पाबंदियां लाई गेइयां न। अमरीका ने साउदी अरब च अपने बसनीकें गी सतर्क रौहने ते सुरक्षा सरबंधी हिदायतें दा पालन करने लेई आखेआ ऐ। एह अलर्ट यमन थमां हौसी गुट आसेआ साउदी अरब पर कीे गेदे हमलें दे परैंत जारी कीता गेआ ऐ।

<><><><><><>

Weather

मौसम विभाग ने अज्ज छत्तीसगढ़, आंध्र प्रदेश दे समुंदरी कंडूहे आहले इलाकें, तेलंगाना, तमिलनाडु, पुडुचेरी, कर्नाटक ते मध्य महाराष्ट्र च तेज बरखा दा अनुमान जताया ऐ। विभाग ने आखेआ ऐ जे अगले द'उं दिनें दे दरान राजस्थान दे किश होर हिस्सें ते पंजाब, सौराष्ट्र ते कच्छ दे किश हिस्सें थमां दक्खन-पच्छम मानसून दी वापसी लेई हालात मुआफक बने दे न। विभाग ने अज्ज झारखंड, ओडिशा, रायलसीमा, कोंकण, गोवा, मध्य प्रदेश, लक्षद्वीप ते अंडमान-निकोबार टापुएं च गरज दे कन्नै बिजली लिशकने ते तेज ब्हां चलने दी संभावना जताई ऐ। नेह गै हालात कल्लै धोड़ी पूर्वी राजस्थान, गुजरात, केरल, माहे, पच्छम बंगाल ते पूर्वोत्तर भारत दे किश हिस्सें च बनी दी रेई सकदी ऐ।

<><><><><><>

Chess Olympiad

उज्बेकिस्तान दे समरकंद च आयोजित 46में शतरंज ओलंपियाड दे 5में दौर च भारती मर्दे दी शतरंज टीम ने नीदरलैंड पर 3-1 कन्नै शानदार जित्त दर्ज कीती, जिसलै के भारती महिला टीम गी पोलैंड थमां करारी हार दा सामना करना पेआ। भारती मर्दे दी टीम ने लगातार 5 मैच जित्तियै अपनी जित्त दा सिलसिला बरकरार रक्खेआ ते उज्बेकिस्तान ते जर्मनी दे कन्नै अक्ल थाहै पर पुज्जी गई। आर. प्रग्नानंद ने लगातार ड्रॉ दे बाद शानदार वापसी करदे होई अनीश गिरी पर जित्त हासल कीती। अर्जुन एरिगैसी ने जॉर्डन वैन फोरेस्ट दे खलाफ सख्त मुकाबले दे बाद ड्रॉ खेड्ढेआ। निहाल सरीन ने तजुर्बेकार लोएक वैन वेली दे खलाफ असानी कन्नै ड्रॉ खेड्ढेआ। डी.गुकेश ने अपनी शानदार फॉर्म जारी रक्खदे होई इरविन लशक्मी गी हराया ते 5 मैचें च अपनी चौथी व्यक्तिगत जित्त दर्ज कीती। भारती महिला टीम गी टूर्नामेंट च पैहली बारी बड्डी चुनौती दा सामना करना पेआ, जेहदे परैन्त महिला टीम 8मीं थाहै पर खिसकी गई, हालांकि वापसी करने लेई अजे बी 6 राउंड बाकी न।

<><><><><><>

Prez. Environment

राष्ट्रपति द्रौपदी मुर्मु होरें आखेआ ऐ जे हाल दे दिनें दरान आई दी केई कुदरती क्रोपिं करी स्पष्ट ऐ जे जलवायु परिवर्तन दे असर गी घट्ट करने लेई ठोस

जतन जरूरी न। नमीं दिल्ली च पर्यावरण ते जलवायु गतिशीलता दे भविष्य बरें आयोजित सम्मेलन दे समापन सत्र गी संबोधित करदे होई राष्ट्रपति होरें आखेआ जे आलमी सतह दा वैज्ञानिक समुदास जलवायु जोखिम गी लेइयें गंभीर चेतावनी देआ'रदा ऐ। उ'नें मुकामी, इलाकाई ते आलमी सतह उप्पर सबनें पक्खें बशकार सक्रिय सहयोग मजबूत करने दी जरूरत पर जोर दिता। राष्ट्रपति होरें आखेआ जे जलवायु परिवर्तन करी जैविक बन्न-सबन्नता च कमी, जल संकट ते जिमीं दे नुकसान जेही समस्यां बधा करदिआं न। उ'नें आखेआ जे जल संकट आहले इलाकें च कृषि जल-संरक्षण इकाइयां मुकामी समुदायें लेई फायदेमंद साबत होई सकदिआं न।

<><><><><><><>

MoS-CAT Jammu

केंद्री राज्यमंत्री डा. जितेंद्र सिंह होरें कल जम्मू दे बाहू प्लाजा च केंद्री प्रशासनिक ट्रिब्यूनल दी जम्मू बेंच दे नमें दफ्तर ते अदालती परिसर दा उद्घाटन कीता। इस मौके पर बोलदे होई मंत्री होरें आखेआ जे जम्मू बेंच आसेआ सेवा मतल्लक मामलें दे नबेड़े ने आसें-मेदें गी होर बदाई दिता ऐ ते मामले दे नबेड़े आहली एह् दर मुख्य भरें च सबनें शा मती ऐ। उ'नें आखेआ जे जम्मू ते श्रीनगर च केंद्री प्रशासनिक ट्रिब्यूनल दिएं बेंचें आसेआ मामलें गी नबेड़ने दी उच्ची दर, सेवा सरबन्धी मामलें च फौरी न्यास ते पुज्ज उपलब्ध करोआने दी ट्रिब्यूनल दी बधदी समर्थ गी दर्शादी ऐ। केंद्री प्रशासनिक ट्रिब्यूनल दे चेयरमैन जस्टिस आर.के मोरे, ट्रिब्यूनल दे सदस्य ते होरनें गणमान्य लोकें

बी उद्घाटन समारोह च शिरकत कीती। इस मौके पर मीडिया कर्मिये कन्ने
गल्ल करदे होई केंद्री मंत्री डा. जितेंद्र सिंह होरें आखेआ .